

ser 114<sup>(2)</sup>  
A.B./30

Mongwau ke: A. M. Mahapa  
Manaka School,  
P.O. Blaauwberg.

*Continuation Malaboch history. (Ser. 88.)*

No. 90

0-16

Kōkeletšo ya ditaba tša pele.

K34/30

1 Gomme ge morwedi wa kgoši Modjadji a bōne gobane ge pula e segō, di thuto tša gagwe tša go lema di kase tšwale pele, e gōna megoma ya gagwe e ka se rekwe, a ruta Lebōgō mokgwa le mehlōlō ya go neša pula. (The art and magic of rain-making). Gomme Lebōgō a dira ka ditaelo tša morwedi wa Modjadji, ka nnete, maru a totoga, legodimo la fifala, legadima la gadima, modumo wa kwala, gomme pula ya na ka bontšhi.

2 Mabele a me a, a tswala, gomme a bunwa. Bohlale bja mositeana ba tuma setšhabeng kamoka. Basadi ba bahurutse ba thōma go reka megoma ka le go lema. Le go fihla lehono batho ba setšhaba se, ba sa na le moye wa gore, go lema ke mošomo wa basadi. Gomme ga ele mehlolo ya go neša pula le lehono e sa le mphō ya kgoši le ba lapa la mošate.

Tsebo ye ya go neša pula ya dira gore Lebōgō a hlewe ke mogolo wa gagwe kudu, ka gobane batho ba bantša ba ile ba mo holofela, ka baka la tsebo ya go neša pula. Mogolo wa gagwe a bōna gore maano ao aka a dirang gore batho ba tle ba mo rate ke ge a ka tšeya morwedi wa Modjadji gore e be mošadi wa gagwe.

3 Mositeana a mo gana, gomme ka baka leo, mogolo wa Lebōgō, a befelwa, gomme a dira maano a gore a bošae Lebōgō. Empa maano ao a fihla ditšebeng tša mokgalabje. (News of the conspiracy reached the ears of the chief), Mokgalabje a bitša Lebōgō, gomme a mo eletša gore a tloge, a tšhabele nageng e ngwe. Lebōgō a dira ka keletšo ya papa'gwe, gomme ya re bošigo, a tloga le bao ba mo holofetšeng, ba sepela, gomme ba nyoga noka ya Mogalakwena (Magalakwin River) ba tla ditšhabeng tša Blaauwberg.

Gomme ge ba fitla ditšhabeng ba humana go agile batho

ba ga Magwela. Lebôgô a ya go kgofi ya bôna, a mo kgopela gore a tle a dule le yena le batho ba gagwe. Kgofi ya gana, Lebôgô a rera le balatedi ba gagwe gore ba swanetse go lwa le batho bao ba ga Magwela.

Ka morago ga matšatšinyana, Lebogo le batho ba gagwe ba beela gae, gomme ge mogolo wa gagwe a mmotšiša gore na o dutse a ile kae; a felela are: "Ke dutse ke ilo tsoma". Lebôgô a botša mokgalabje ka ga naga ya ba Magwela, mokgalabje a mo dumelela, gore a tloge le balatedi ba gagwe kamoka, gomme a tšeye dithoto tša gagwe a hudugele ruri, ka gobane mogolo wa gagwe o be a sa dira gape maano a go mmolaya.

Lebôgô a dira bjale ka pele a tloga bošigo, a sepele. Ge go sepele mogolo wa gagwe a kwa ditaba tšeo tša khudugo ya Lebôgô, a befelwa kudu, ka gobane Lebôgô a tlogile le batho ba bantšhi ba setšhaba.

4 A ya go mokgalabje, gomme a mo kgopela gore a latele Lebôgô, gomme ge a mo swere a mo sole. (He must punish him for desertion). Mokgalabje a dumela, empa a neya morwa wa gagwe taelo ya gore: "Ge o humane ba nyogile noka o seke wa ba latelela o boye". Ke nnete ba humane Lebôgô le batho ba nyogile noka, gomme ba dutse ba apelle dijo tša bôna ka moše wa noka.

Madira a o a mogolo wa Lebôgô a ema ka moše o mongwe le bôna ba tšhaba go tshela taelo ya mokgalabje. Gomme ba thoma go ba hoeletša (to greet them by dirisive cheers) le go ba nyefola, le go ba roga. Thogakô (an insult) engwe e ba ileng ba ba roga ka yona ka ya gore le Baganawa (the deniers, or refusers). Xomme le go fihla lehono leina leo le ba gomaretše, ba bitšwa gore ke Magananwa, lefase la bôna ke Ganana.

5 Lebôgô le batho ba gagwe, ge ba thogile fao ba sepele ba leba dithabeng tša Blaauberg. Ge ba fihlile kgaufsi le dithaba, ba dula mo polareng e bitšwang gore ke Witstein (the farm Witstein) e kgaufsi le letswapo la thaba. Gona

*Scout*

fao, ba thogela basadi le bana fao, gomme ba namela thaba  
 ba ya gape kwa mosate wa ba Magwela, gomme ba kgopela gape  
 gore ba ba dumelele go dula, (They asked for permission to  
 settle) empa kgopelo ya bona ga ya ka ya dumelelwa. Ka  
 baka leo ntwana ya tsoša, gore ga Magwe, a, le Maganawa,  
 Maganawa a fenyana batho bao gomme ba phumega ba tšhaba.  
 Lebôô le batho ba gagwe ba thopa naga, gomme ba aga motse  
 wa bona godimo ga thaba eo, le lehono motse wa mosate o  
 sa agilwe godimo ga thaba eo.

*END S 118.*